

QAYBTA KOWAAD

SHARCI L. 1 ee 1 Jannaayo 1979 dib u samaynta
Baabuurta Dawladda

MADAXWEYNAHA J.D.S.

ISAGOO ARKAY : Xaashida 1aad, 2aad iyo 3aad ee Kacaan-
kii 21. 10. 1969;

ISAGOO ARKAY : Sharciga tirsigiisu yahay 1, 17, 18, iyo 19
ee soo baxay Idii Juulay, 1976;

ISAGOO OGAADAY : inay Hay'ado badan ee Dawladda mar-
ka gaadiidkoodu jabo ama kharribmo ay ku hagaajiyaan
hoosoyin ay leeyihiin dad gaar ahaaneed ayadoo ku bax-
do lacag aad u fara badan;

ISAGOO TIXGELIYEY : lagama maarmaanimada ah in
shaqaalaha qabta hawsha dheeraadka ah ee dib u samayn-
ta baabuurta loo aqoonsado abaalgud dhiirri gelin ah;

ISAGOO TIXGELIYEY : Go'aanka Guddiga Siyaasadda iyo
Golaha Wasiirrada ee taariikhdiisu ahayd 12. 9. 1979;

WUXUU SOO SAARAYAA

Sharciga soo socda :

QODOBKA 1AAD

Marka laga bilaabo 1. 1. 1979, waxaa si buuxda looga hirge-
liyey Hoosada Dhexe ee Xarunta Wasaaradda Gaadiidka Dhul-
ka iyo Cirka, hoosoyinka Wasaaradda Gaadiidka Dhulka iyo
Cirka ee Gobollada iyo Degmooyinka hawlaha dib u samaynta
baabuurta Wasaaradaha ee maamulka baabuurtooda u madax
bannaan, kuwa Wakaaladaha, Shirkadaha Dawladdu dhinac
ka tahay iyo Bankiyada, marka laga reebo Hay'adaha Dawlad-
da ee iska leh hoosoyinka gaar ahaaneed.

QODOBKA 2AAD

1. Waxaa dhammaan Gaadiidka ay iska leeyihiin Hay'adaha
ku tilmaaman qodobka 1aad loo ogol yahay in ay ku samays-
taan hoosoyinka aan soo sheegnay oo keliya. Isla markaana
waxaa sharcigan lagu xaaraantimeeyey in gaadiidka aan soo
sheegnay lagu hagaajiyo hooso ay leedahay dad ama shirkad
gaar ahaaneed.

Cirka, marka uu dhegeysto talada Farsama Yaqaanka Sare ee Wasaaradda (Injineerka), una sugnaato in gaadiidka qaar-kood ee ku tilmaaman Qodobka 1aad ee sharcigan aan dib loogu samayn karin hoosooyinka gaadiidka, dhanka farsamada ama qalabka dayactirka awgeed, wuxuu amar ku bixin karaa in dib loogu sameeyo hoosooyin gaar ahaaneed.

3. Sidoo kale, Wasiirka Wasaaradda Gaadiidka dhulka iyo cirka, gobollada iyo degmooyinka wuxuu u wakiilan karaa Guddoomiyaha Guddiga maamulka gobolka ama degmada.

Guddoomiyaha Guddiga maamulka ee gobolka ama degmada waxaa awood loo siiyey amar bixinta ku tilmaaman xubinta 2aad ee qodobkan, ka dib marka uu dhegeysto talada Wakiilka Wasaaradda Gaadiidka dhulka iyo cirka ee jooga gobolka ama degmada.

Qod. 3aad

Hay'adaha ku tilmaaman Qod. 1aad marka loo sameynayo ama loo dayactirayo waxay la baxayaan kharashka alaabta, tan dayactirka la geliyey baabuurka iyo kharash hawl gacmeed ah oo saacadiiba dhan Shs. 30/= (Soddon Shillin).

Qod. 4aad

1. Kharashka hawl gacmeedka (diritto di mano de'opera) waxay u kala baxaan laba qaybood oo kala ah:

- b. 10/= oo lagu shubayo khasnadda Dawladda iyo
- t. 20/= oo lagu dhiirri gelinaayo Shaqaalaha kala ah: Xir-fadlayaasha.

Farsama yaqaanada baabuurta ee Wasaaradda Gaadiidka Dhulka iyo Cirka.

2. Shaqaalaha la siinayo lacagta dhiirri gelinta ah, waa in ay ahaadaan:

- b. Kuwo shaqadoodii caadiga ahayd si habsami ah u gutey
- t. Kuwo saacado dheeraadka ah shaqeeyey iyo
- j. Kuwo tayada wax soo saarkoodu loo begey.

3. Shaqaalaha aan kor ku soo sheegnay waxaa abaalmarintoodu loogu kala badin karaa hadba sida wax soo saarkoodu u kala badan yahay.

4. Shaqaalaha la siinayo dhiirri gelinta waa kuwa ku tilmaan xubinta koowaad ee xarafka (t) ee qodobkan.

QODOBKA 5AAD

Madaxweynaha J.D.S. isagoo tixgelinaaya isbedelka ka dhasha ascaarta suuqa wuxuu awood u leeyahay in uu soo saaro Xeer uu ku kordhinaayo lacagta hawl gacmeedka aan soo sheegnay.

Qod. 6aad

Hay'adaha Dawladda waxaa loo ogol yahay in gaadiidkoodu ay ku sameystaan hoosooyinkooda.

Qod. 7aad

Waxaa hab xisaabeed laga furay Xarunta iyo Gobollada Curaar)Deposit accounts) dakhli kastana wuxuu gelayaa Curaartaas.

Qod. 8aad

Kharashyada Xarunta looga baahdo waxaa awood kharash si toos ah loo weydiisanayaa Xisaabiyaha Guud. Sidoo kalena maamulayaasha Wasaaradda Gaadiidka Dhulka iyo Cirka ee jooga gobollada iyo degmooyinka waxay weydiisanayaan Xisaabiyaha gobolka ama degmada.

Qod. 9aad

Awoodda ogolaanshaha qeybinta lacagta hawl gacmeedka la siinayo Shaqaalaha Wasaaradda Gaadiidka Dhulka iyo Cirka ku xusan Qod. 4aad, waxaa la siiyey Wasiirka Wasaaradda Gaadiidka Dhulka iyo Cirka. Gobolladuna wuxuu u Wakiilan karaa Isuduwayaasha iyo Guddiga Shaqaalaha ee Wasaaradda Gaadiidka Dhulka iyo Cirka.

Qod. 10aad

Cod allaale ciddii ku xad gudubta arrimaha ku tilmaaman Qod. 2aad ee Sharcigan, waxaa lagu xukumayaa Xabsi gaaraya ilaa laba sano ee xarig ah ama ganaax ilaa Shs. 10.000/= Toban kun Shillin) ama labada oo la isugu daro.

Qod. 11aad

Sharciga wuxuu dhaqan gelayaa 1. 1. 1979. Sharcigan waa lagu soo saari doonaa faafinta rasmiga ah ee Dawladda.

Muqdisho 1 Jenaayo 1979

Madaxweynaha J.D. Soomaaliya
(Jaalle S/Gaas Maxamed Siyaad Barre